

丁三、就彌陀國辨得彰失，令人修捨

戊一、佛勸阿難禮無量壽

告阿難

佛告阿難：汝起，更整衣服，合掌恭敬禮無量壽佛。

學佛共嘆

十方國土諸佛如來，常共稱揚讚歎彼佛，無著無礙。

戊二、阿難奉命敬禮彼佛，并願求見

阿難奉命設禮

於是阿難起整衣服，正身西向，恭敬合掌，五體投地，禮無量壽佛。

啓請求見

求見化主

白言：世尊！願見彼佛，

求見其處

安樂國土，

求見彼眾

及諸菩薩聲聞大眾。


戊三、由前請，無量壽佛放光普照

- 法說 — 說是語已，即時無量壽佛放大光明，普照一切諸佛世界。金剛圍山，須彌山王，大小諸山，一切所有皆同一色。
- 喻顯 — 譬如劫水彌滿世界，其中萬物沈沒不現。澆漑浩汗，唯見大水。
- 合顯 — 彼佛光明亦復如是。聲聞菩薩一切光明皆悉隱蔽，唯見佛光明耀顯赫。

戊四、因佛光照，彼此相見

- 此見彼 — 爾時阿難，即見無量壽佛威德巍巍，如須彌山王，高出一切諸世界上。相好光明，靡不照耀。
- 彼見此
 - 阿難見 — 此會四眾一時悉見，
 - 大眾見 — 彼見此主亦復如是。

戊五、因相見，具彰彼國得失之事，令人修捨



胎生之失

辨因顯果

胎生因

爾時慈氏菩薩白佛言：世尊！何因何緣，彼國人民胎生化生？

佛告慈氏：若有眾生以疑惑心修諸功德，願生彼國。

不了佛智，

不思議智，不可稱智，大乘廣智，無等無倫最上勝智，

於此諸智疑惑不信。

然猶信罪福，修習善本，願生其國。

此諸眾生生彼宮殿壽五百歲，常不見佛，不聞經法，不見菩薩聲聞聖眾。

是故於彼國土，謂之胎生。

化生因

若有眾生明信佛智，乃至勝智，作諸功德，信心迴向。

此諸眾生於七寶華中自然化生，加趺而坐。須臾之頃，身相光明，智慧功德，如諸菩薩具足成就。

顯彼失

明胎生過

立喻反問

佛告彌勒：譬如轉輪聖王，別有宮室。七寶莊飾，張設床帳，懸諸繒幡。若有諸小王子得罪於王，輒內彼宮中，繫以金鎖，供給飲食衣服床褥華香伎樂，如轉輪王無所乏少。於意云何：此諸王子寧樂彼處不？


對勝顯劣

胎生之劣

其胎生者，皆無智慧。於五百歲中常不見佛，不聞經法，不見菩薩諸聲聞眾，無由供養於佛。不知菩薩法式，不得修習功德。當知此人宿世之時無有智慧，疑惑所致。

化生之勝

復次，慈氏！他方諸大菩薩發心欲見無量壽佛，恭敬供養，及諸菩薩聲聞之眾。彼菩薩等命終得生無量壽國，於七寶華中自然化生。彌勒當知，彼化生者，智慧勝故。





十億菩薩皆當往生。其第十一佛名曰人王，彼有十億菩薩皆當往生。其第十二佛名曰無上華，彼有無數不可稱計諸菩薩眾，皆不退轉，智慧勇猛，已曾供養無量諸佛。於七日中即能攝取百千億劫大士所修堅固之法，斯等菩薩皆當往生。其第十三佛名曰無畏，彼有七百九十億大菩薩眾，諸小菩薩及比丘等不可稱計皆當往生。

佛語彌勒：不但此十四佛國中諸菩薩等當往生也，十方世界無量佛國，其往生者亦復如是，甚多無數。我但說十方諸佛名號，及菩薩比丘生彼國者，晝夜一劫尚未能竟，我今爲汝略說之耳。


甲三、流通分

乙一、如來歎經勸學


丙一、勸人修行



丙二、教人請決



丙三、彰此經法濟益之要



丙四、學經難聞生人敬重



丙五、結勸修學

是故我法如是作，如是說，如是教。應當信順，如法修行

乙二、彰說利益，諸人悟道

起願益——爾時世尊說此經法，無量眾生皆發無上正覺之心。
明得道——萬二千那由他人得清淨法眼，二十二億諸天人民得阿那含，八十萬比丘漏盡意解。四十億菩薩得不退轉，以弘誓功德而自莊嚴，於將來世當成正覺。

乙三、增眾深信

爾時三千大千世界六種震動，大光普照十方國土，百千音樂自然而作，無量妙華芬芬而降。

乙四、大眾同喜

佛說經已，彌勒菩薩及十方來諸菩薩眾，長老阿難，諸大聲聞，一切大眾。聞佛所說，靡不歡喜。